

## LLECTURA: “LA ESTRELLA DE MAR Y EL PIXÍN BABAYU”



El pixín ye un pexe cabezón y con cara de pocos amigos. Ye muy **argososu**: cuando **nala**, sescude'l rabu con faltonería y mira pa los demás pexes percima l'ala, como si nun valieren un bígaru al par d'él.

Un día, el pixín venía nalando solu, tan presumíu como siempre, cuando, ente l'arena del fondu del Cantábricu, vio una estrella de mar.

- ¿Y a tí por qué te llamen estrella? -entrugó-y cola so vozona.

- Nun sé... -xuxurió la estrella, **acobardada** y encoyendo les pates.

- Nun lo sabes tú nin naide, porque ye una enquivocación - esplicó'l pixín, que pensaba qu'él sí lo sabía too.

- ¿Por qué? -quixo saber la estrella, asustada con aquello de que'l so nome fuere una enquivocación.

- Porque les estrelles de verdá -y el pixín pronunció “de verdá” con retintín, pa facer de menos a la probe estrellina de mar- son mui grandes, y tú yes mui pequeña: tán no alto del cielu, y tú nun yes quién a apartate nin un deu del fondu la mar; son redondes como oricios xigantes, y tú yes achaplada y tienes cinco pates; y tán mui, mui calientes, y tú yes fría.

- Bono... Tolos pexes son fríos... Tú tamién -defendióse, seliquino, la estrella de mar.

Al pixín nun-y gustó aquel comentariu, pero fíxose'l tontu y siguió:

- Amás, ¿qué quier dicir “estrella”? Una estrella ye daquién que destaca perriba los demás, y tú... -miró a la probe estrellina con despreciu-, tú nun destacaes en nada. Yes lo más **fato** de la mar. Por nun valir, nun vales nin pa que te coman, que yo, por exemplu, toi ente lo más rico del pescáu. ¡Yo sí que tenía me que me llamar estrella, y non pixín, que suena a poca cosa!

Sí, porque en realidá, el que nun taba contentu col so nome, yera él. “Pixín” sonába-y a “peixe paqueñín” y por eso taba tan disgustáu y metíase col nome de los demás.


- Pues yo toi contenta con ser como soi... -atrevióse a dicir la estrellina de mar.

El pixín pegó una vuelta alrededor d'ella mui **oriscu**:

- ¡Lo que faltaba! ¡Hai que ser probina! ¡Nun querer tener carne fino como yo, que soi famosu en tolos restaurantes! ¡Que me preparen amarisco, y con patatinos cocíos, y con salsa, y ensin salsa, y los comensales siempre se **llamben**! ¡Oyístila? ¡Hai que ser **fata**, nun querer ser famosa como yo! -**vocingló** al altu la lleva p'avergonzar a la estrellina delante los otros pexes-.

Pero, como toos lu conocíen, naide-y facía casu: nin les merlucos, nin los llenguas, nin los bonitos, nin los centollos, nin les andariques, nin siquiera les **amasueles**.

Tan **gayasperu** diba'l pixín pegando voces, que nun vio una rede que baxaba pa enriba d'él dende la superficie de la mar.



La estrellina sí la vio y zarró los güeyos, porque nun-y prestaba ver cómo pescaben a un peixe, aunque fuere tan faltón como'l pixín.



Asina, colos güeyos apretaos, la estrella de mar pensó:

“Pues yo quiero más saber mal y que me dexen en paz en mío casa, nel fondu la mar. ¡ La fama ye mui duro: acaben aplaudiéndote cuando yá tas cocináu y en platu!”

## PALLABRERU

❖ *Depués de lleer esta hestoria, lo primero que vamos facer ye buscar nel diccionariu les pallabras que tán destacaes en gris. Si necesitáis buscar dalguna más, buscala. Acordaivos que cuando busquemos pallabres nel diccionariu, tenemos que facelo en masculín, en singular y los verbos n'infinítivu.*

Diccionariu de la Academia de la Llingua Asturiana (DALLA): <http://www.academiadelalingua.com/diccionariu/>

- ARGUYOSU: \_\_\_\_\_

- NALAR: \_\_\_\_\_

- ACOBARDADA: \_\_\_\_\_

- FATO: \_\_\_\_\_

- ORISCU: \_\_\_\_\_

- LLAMBEN: \_\_\_\_\_

- FATA: \_\_\_\_\_

- VOCINGLÓ: \_\_\_\_\_

- AMASUELES: \_\_\_\_\_

- GAYASPERU: \_\_\_\_\_

¿DALGUNA MÁS? APÚNTALA EQUÍ: \_\_\_\_\_

## ¿ENTENDIMOS LA LLECTURA?

1. ¿Quiénes son los dos protagonistas de la hestoria? \_\_\_\_\_

2. ¿Qué estrelles dice'l pixín que son les “de verdá”? \_\_\_\_\_

3. ¿Qué-y pasaba al pixín col nome? \_\_\_\_\_

4. ¿Qué otros animales salen na llectura? \_\_\_\_\_

5. ¿Cuál de los dos personaxes prestaríate ser a tí? \_\_\_\_\_ ¿Por qué? \_\_\_\_\_

6. Completa siguiendo la llectura:

El pixín ye un peixe ..... y con cara de .....


- ¡Pues yo toi contenta con ser .....!

- Hai que ser ....., nun querer ser tan ..... como yo.

Pero, como toos lu conocíen, naide-y .....

“Pues o quiero más ..... y que me dexen en ..... en mía casa nel fondu la .....

7. Pallabres cruciaes. Na llectura atopasti estos animales marinos. Siguiendo l'exemplu, pon los nomes que falten.



8. Igu alfabéticamente el nome de los animales de l'actividá anterior. Añade amás “pixín” y “estrella”.

.....

9. ¿Alguna d'esas pallabres ye polisémica? Si crees que sí, escribi cuál ye.

.....

10. Cada pallabra de la mandrecha ye un axetivu con un sinónimu na columna de la drecha. Xúntales.

achaplada

presumíu

oriscu

tontu

fatu

enfocicáu

gayasperu

aplanada

11. Dictáu:

.....  
.....  
.....

12. Clasifica les pallabres del dictáu anterior en agudes, llanes y esdrúxules. Arrodia la sílaba tónica.

AGUDES	LLANES	ESDRÚXULES

## PA FIXANOS

### Busca

El bígaru anda atristayáu porque perdió a los amigos nesti testu. Ayúdalú a buscalos.

ORICIU ✓  
SAPA  
ESTRELLA

CAMARÓN  
LLÁMPARA  
OCLA

TURULLU  
NAVAYA

Olaya Mpri, ciudadana de Xixón, taba na cama roncando cuando'l so collaciu Arturu llució la meyor de les sorrisos al espertala.

—Olayina, vamos dir pa en casa pa preparar la llamparada pa que cuando la to hermana vaya esta nueche tea too bien iguao. Podemos comeles na terraza, que dixo l'home del tiempu que'l cielu diba tar estrelláu.

—Nun lo veo claro -retrucó Olaya-. Yá sabes que siempre s'enquivoquen.



### Sopa d'estrelles

¿Gústate la sopa? De xuru qu' ésta d'estrelles que te presentamos equí va prestate a esgaya. Pa preparala namás tienes qu'alcontrar 6 nomes d'animalinos que viven na mar.

H	A	R	A	P	M	A	L	E
U	O	R	R	U	N	O	X	S
G	D	F	A	G	I	B	I	T
F	C	R	I	S	U	N	G	O
B	Y	R	D	C	O	D	A	L
N	E	S	T	R	I	T	U	L
W	S	F	A	D	S	U	O	L
A	D	M	I	L	S	O	Y	A
S	A	U	T	N	A	C	R	A
C	I	R	C	E	L	V	A	B

